

Edizione diplomatica

 <small>https://letteraturaeuropea.let.uniroma1.it/sites/default/files/export-91.jpg</small>	<p>Gaces brullez</p> <p>Damours qui ma tolu a moi; na soi ne me ueut rete- nir. me plaing ensi quades otroi; que de moi face son plesir. et si ne me repuis tenir. que ne men plaigne et di pour quoi. car ceus qui la traissent uoii. souuent a leur ioie uenir. et gi fail par ma bone foi.</p>
 <small>https://letteraturaeuropea.let.uniroma1.it/sites/default/files/export-92.jpg</small>	<p>Samours pour essaucier sa loi ueut ses anemis retenir. de sens li uient si com ie croi; quas siens ne puet ele faillir. ie qui ne men repuis tenir. de celui uers qui ie souplo. mo(n) cuer qui siens est li enuoi mes de noient la ueeil seruir; se ce li rent que ie li doi.</p>

	<p>Dame de ce que uostres sui dites moi se gre men sauez. nenil uoir so(n) ques uous conui; ainz uous poise quant uous mauez, et de(s) que uous ne me ouolez. dont sui ie uostres par ennui. mes se ia deuez de nului merci auo ir si me sousfroiz; car ie ne sai seruir autrui.</p>
	<p>Onques du beurage ne bui dont trista(n)s fu enpoisonez. mes plus me fet amer que lui; fins cuers et bone uolentez. si men deuez sauoir bon grez quainz de riens efforciez nen fui. fors q(ue) tant que mes euz en crui. par que sui en la uoie entrez. do(n)t ia nistrai nainc ni recrui.</p>
	<p>Merci trouuasse au mie(n) cui dier, sele fust en tout le con pas. du monde la ou ie la qier; mes bien croi quele ni est pas.</p>
	<p>onques ne fin onques ne las de ma douce dame proier. proi et reproi sanz esplitier. comme cil qui ne set agas; amours seruir ne losengier.</p>

- letto 615 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911 CF 80209930587 PI 02133771002

Source URL: <https://letteraturaeuropaea.let.uniroma1.it/?q=laboratorio/edizione-diplomatica-260>